

Malittarisassat

Air Greenland A/S-imut (CVR 56996710)

1 Ateq

1.1 Ingerlatseqatigiiffiup aqqa tassaavoq Air Greenland A/S.

1.2 Ingerlatseqatigiiffimmi taaguutit allat tassaapput:

- Grønlandsfly A/S (Air Greenland A/S)
- Air Kalaallit Nunaat A/S (Air Greenland A/S)
- Air Greenland Inc. A/S (Air Greenland A/S)
- Greenair A/S (Air Greenland A/S)
- Greenlandair Charter A/S (Air Greenland A/S)
- Greenlandair Inc. A/S (Air Greenland A/S)
- Greenlodge A/S (Air Greenland A/S)
- Air Greenland Travel A/S (Air Greenland A/S)
- Heli Charter Greenland A/S (Air Greenland A/S)
- Helicopter Greenland A/S (Air Greenland A/S)

2 Angerlarsimaffik

2.1 Ingerlatseqatigiiffik Kalaallit Nunaanni Kommuneqarfik Sermersuumi angerlarsimaffeqarpoq.

3 Siunertaq

3.1 Silaannakut angalassinissaq assartuussinissarlu, kiisalu tamatumunnga atatillugu suliassat ataavartut allat isumaginissaat ingerlatseqatigiiffimmi siunertarinearpoq.

Aamma ingerlatseqatigiiffik pigisanut aalaakkaasunut aningaasaliisarnissamik siunertaqarpoq.

4 Ingerlatseqatigiiffimmi nammineerluni aningaasaatit aktiaatillu

4.1 Ingerlatseqatigiiffimmi aktiatigut pigisat DKK 24.000.000,00-nik naleqarput, aktianut DKK 1.000-inut taakkunangaluunniit naatsorsukkanut agguarlugit.

- 4.2 Piffissap qanorluunniit ilinerani silaannakkut angallassinermut inatsimmi atuuttumi aktiaatilittut unioqquitsinngitsutut allassimasut kisimik ingerlatseqatigiiffimmi aktiaateqarsinnaapput.
- 4.3 Aktiani ateq allassimassaaq, aammalu ateq atorlugu ingerlatseqatigiiffiup aktiaatilinnut allattaaviani nalunaarsorsimassapput.
- 4.4 Aktiaatillit arlaannaataluunniit aktiaatimi aningaasartaanik tamakkiisumik ilaannaasumilluunniit tiguisinnaanngilaq. Aktiat arlaannaalluunniit immikkut ittunik pisinnaatitaaffiliinngillat.
- 4.5 Aktiaatillip aktiaatiminik tunniussinissani kissaatigippagu, aktiat aktiaatilinnut allanut aktiatigut pigisaannut naleqqiussilluni neqeroorutigineqarsinnaapput, tassanilu aki piumasaqaatillu, inummit allamit atiatigut taasamit, suliassaqarfimmut attuumassuteqanngitsumit akiliisinnaassusilimmillu neqeroorutigineqartut atorineqarsinnaapput. Aktiaatillip ataatsip neqeroorut akuerinngippagu, aktiaatillit allat neqeroorummut akuersisinnaapput. Taamaanngippat aktiat aki taaneqartoq aammalu piumasaqaatit taaneqartut atorlugit allamut tunineqarsinnaapput. Pisinissamut salliutinneqarsinnaatitaanissamut neqeroorut ingerlatseqatigiiffiup siulersuisuisa siulittaasuat aqqutigalugu saqqummiunneqassaaq. Pisinissamut salliutinneqarsinnaatitaanermut neqeroorummut akuersisoqarnera, aktiaatillit tunniussivigineqartussaannngitsut tunniussinissaq eqqarsaatigineqartoq pillugu nalunaarfigineqarneriniit, aammalu pisinissamut salliutinneqarsinnaatitaanermik atuinissamut periarfissinneqarneriniit kingusinnerpaamik sapaatit akunneri sisamat qaangiunnerini nalunaarfigineqassapput. Aktiaatillip pisinissamut salliutinneqarsinnaatitaanermik atuinissani kissaatiginngippagu, aktiat aktiaatilinnut, neqeroorutip tighuneraniit kingusinnerpaamik ullut 14-it qaangiutinngagit pisinissamut salliutinneqarsinnaatitaaneq atorunneqarnerisooq pillugu aktianik tunniussisussamut nalunaaruteqartussanut neqeroorutigineqassapput. Aktiaatillit tunniussisussaannngitsut aktiaatit neqeroorutigineqartut tamakkerlugit pisiarinissaat kissaatiginngippassuk, pisinissamut salliutinneqarsinnaatitaaneq atorunnaassaaq.
- 4.6 Aktiat pappiaraapput kaaviaartitsiviusinnaanngitsut.
- 4.7 Pappiaqqat kaaviaartitsiviusussaannngitsut pillugit piffissap qanorluunniit ilinerani maleruagassat atuuttut malillugit aktiat atorunnaarsinneqarsinnaapput.

5 Ataatsimeersuarnerit, piginnaasaqarfiit, sumiiffik ataatsimiigiaqqusisarnerlu

- 5.1 Ingerlatseqatigiiffiup ataatsimeersuartitsineri ingerlatseqatigiiffiup Nuuummi, Københavnimi imaluunniit Kastrupimi angerlarsimaffiani ingerlanneqassapput. Ataatsimeersuarnerit nalinginnaasut ukiut tamaasa, ukiumoortumik nalunaarussiaq iluarsisaq akuerisarlu ukiup naatsorsuusiorfiusup naaneraniit kingusinnerpaamik qaammatit tallimat qaangiunnerini Inuusutissarsiornermut Aqutsisoqarfimmut nassiunneqarsinnaanissaanut piffissaalluarallartillugu ingerlanneqartassapput.

- 5.2 Siulersuisut imaluunniit kukkuneruisoq tamanna naapertuuttoq isumaqarpata, immikkut ittumik ataatsimeersuartitsisoqassaaq. Qulequtaq aalajangersimasoq aktiaatilinnit, aktianit aningaasaatinik minnerpaamik 5%-inik pigisaqartunit suliarineqartussatut allakkatigut piumasarineqarpat, immikkut ittumik ataatsimiigiaqqusisoqassaaq. Piumasaqaatip tiguneraniit ullut 14-it ingerlaneranni ataatsimiigiaqqusisoqassaaq. Ingerlatseqatigiiffiup kukkuneruisua tunuarpat, imaluunniit suliaminik taamaatitsinerani taarsiinnaasumik sinniisissaqanngippat, tunuarnerup ingerlatseqatigiiffimmut nalunaarutigineqarneraniit kingusinnerpaamik ullut arfineq pingasut qaangiunnerini immikkut ittumik ataatsimeersuarnissamut aggersaasoqassaaq.
- 5.3 Ataatsimeersuarnissamut sivikinnerpaamik ullut 14-it sioqqullugit, aammalu sivilunerpaamik sapaatit akunneri sisamat sioqqullugit aktiaatillit tamarmik allakkatigut tammatasaalisatigut ilisimatinnerisigut siulersuisut ataatsimiigiaqqusissapput. Ataatsimiigiaqqusissut ataatsimiinnermi oqaluuserisassanik imaqqassaaq, aammalu malittarisassanik allannguutissanut siunnersuuteqartoqassappat, siunnersuutip pingaarnersiorneqarneranik imaqqassalluni. Kisiannili siunnersuut malillugu aktiaatit piginneqatigiiffillu pillugit inatsisip Kalaallit Nunaannut atuuttussanngortinneqarnera pillugu peqqussummi § 107, imm. 1 imaluunniit 2 naapertorlugit malittarisassanut allannguutissanik aalajangiisoqassappat, siunnersuutip oqaasertai tamakkiisumik allanneqassapput.
- 5.4 Ataatsimeersuarnissamut ataatsimiigiaqqusissut kiisalu siunnersuutit tamarmik aktiaatilinnut nalunaarutigineqarnerinut peqatigitillugu Inuussutissarsiornermut Aqutsisoqarfiup IT-mut atortorissaarutaasigut tamanut ammasumik saqqummiunneqassapput.
- 5.5 Aktiaatillit tamarmik qulequttamik aalajangersimasumik nalinginnaasumik ataatsimeersuarnermi suliaqartitsinissamut pisinnaatitaaffeqarput, aktiaatilik ataatsimeersuarnissaq kingusinnerpaamik sapaatit akunneri arfineq marluk sioqqullugu tamanna pillugu allakkatigut piumasaqaammik saqqummiussisimappat.

6 Ataatsimeersuarneq, oqaluuserisassat

- 6.1 Ataatsimeersuarnissaq kingusinnerpaamik ullunik 14-inik sioqqullugu oqaluuserisassat aammalu siunnersuutit tamakkiisut, ataatsimeersuarnermi saqqummiunneqartussat ingerlatseqatigiiffiup allaffiani aktiaatilinnit takuniarneqarsinnaasunngorlugit saqqummiunneqassapput, tamatumalu peqatigisaanik aktianik piginnittunut, aqqi nalunaarsorsimasunut tamanut nassiunneqassallutik. Ataatsimeersuarnernut nalinginnaasunut tunngatillugu ukiumoortumik nalunaarummut missingiut inaarutaasoq, kukkuneruisuomit atsiorneqarsimasoq ataatsimeersuarnissaq kingusinnerpaamik sapaatit akunnerinik sisamanik sioqqullugu aktiaatilinnut, aqqi nalunaarsorsimasunut nassiunneqassaaq. Ukiumoortumik nalunaarut, kukkuneruisuomit atsiugaq, qullersaqarfimmit siulersuisunillu atsiorneqarsimasoq ataatsimeersuarnissaq kingusinnerpaamik ullunik 14-inik sioqqullugu ingerlatseqatigiiffiup allaffiani aktiaatilinnit takuniarneqarsinnaasunngorlugu saqqummiunneqassaaq.

6.2 Ataatsimeersuarnermi nalinginnaasumi oqaluuserisassat imarissavaat:

- 1 Aqutsisussamik toqqaaneq.
- 2 Ukiumoortumik nalunaarutip iluarsisap akuerisassanngorlugu saqqummiunneqarnera.
- 3 Ukiumoortumik nalunaarut akuerisap naapertorlugu sinneqartoorutit atorineqarnissaannut imaluunniit annaasat matussuserneqarnissaannut aalajangiineq.
- 4 Siulersuisuni siulittaasussamik aamma siulersuisuni ilaasortassanik sinnerinik qinersineq.
- 5 Kukkunersuisussamik toqqaaneq.
- 6 Siulersuisunit imaluunniit aktiaatilinnit siunnersuutaasinnaasut.
- 7 Tamalaat.

7 Ataatsimeersuarneq, taasisinnaatitaaneq, ataatsimeeqataaneq

- 7.1 Aktiat tamarmik immikkut DKK 1.000-inik nalillit taasisinnaatitaanermik ataatsimik naleqarput.
- 7.2 Aktiaatillit tunniussinikkut aktianik pissarsisimasut ataatsimeersuarnermi, aktiat aktiat allattorsimaffiannut nalunaarsorneqarnissaat sioqqullugu, imaluunniit aktiaatillip pissarsinerminik nalunaaruteqarnissaa uppersaanissaalu sioqqullugu aggersaaffiusumi aktiat pigisat tunngavigalugit taasisinnaatitaassanngillat.
- 7.3 Aktiaatilik siunnersortimik ilaqlarluni ataatsimiigiarnissamut, imaluunniit fuldmægtigimik, allakkatigut piginnaatitsissummik ullulikkamik takutitsisussamik sinniiseqarnissamut pisinnaatinneqarpoq.
- 7.4 Siulersuisuni ilaasortat tamarmik ataatsimeersuarnermut peqataanissamut pisinnaatitaaffeqarput.
- 7.5 Ingerlatseqatigiiffiup kukkunersuisua ingerlatseqatigiiffiup nalinginnaasumik ataatsimeersuartitsinerani peqataassaaq.
- 7.6 Ingerlatseqatigiiffiup ataatsimeersuartitsineri tusagassiorfinnut ammasuussapput. Tusagassiorlut ataatsimiinnermi båndinik filminillu immiussinissamut assigiilissamullu qanoq annertutigisumik pisinnaatitaaffeqassanersut pillugu ataatsimeersuartut sukumiinerusumik aalajangiissapput.

8 Ataatsimeersuarneq, aqutsisoq, aalajangiinerit allattaaviillu

- 8.1 Ataatsimeersuarneq aqutsisumit ataatsimeersuarnermi toqqarneqartumit, suliat suliarineqarnissaat taasinissallu pillugit apeqqutinik tamanik aalajangiissusamit aqunneqassaaq.

- 8.2 Ataatsimeersuarnermi suliassat sularineqartut amerlanerussuteqartoqarneratigut aalajangiiffigineqartassapput.
- 8.3 Aktiaatit piginneqatigiiffiillu pillugit inatsisip Kalaallit Nunaannut atuuttussanngortinneqarnera pillugu peqqussummi § 107-imi, ingelatseqatigiiffiup atorunnaarsinneqarnissaanut imaluunniit ingerlatseqatigiiffimmut allamut kattunneqarnissaanut tunngasumi taaneqartunit allaanerusunik malittarisassanik allannguinnissat akuerineqarnissaannut, taasisut taamatullu ataatsimeersuarnermi taasisinnaatitaallutik aktianik pigisaqartut ikinnerpaamik 2/3-iisa aalajangiinermut akuersinnissat pisariaqarpoq.
- 8.4 Ataatsimeersuarnermi isumaqatiginninniarnernut tunngasut allattaavinnut, aqutsisumit atsiorneqartussamut allatorneqassapput. Ataatsimeersuareernermi kingusinnerpaamik sapaatit akunnerisa marluk qaangiunnerini allattaavinnut allatorneqartut naqinneqarnerat akuerisaq aktianik pigisaqartunit pissarsiarineqarsinnaalissaaq. Kingusinnerpaamik tamatuma peqatigisaanik allattaavinnut allatorneqartut naqinnerat Inuussutissarsiornermut Aqutsisoqarfimmut nassiunneqassaaq.
- 8.5 Allannguutit ilassutillu, malittarisassani allannguutit ataatsimeersuarnermi aalajangiunneqartut nalunaarsornissaannut piumasagaatit Inuussutissarsiornermut Aqutsisoqarfiup piumasarisinnaasai, ataatsimeersuarnermi akuersissuteqartitsisoqanngikkaluartoq siulersuisunit iluarsineqarsinnaapput.

9 Siulersuisut

- 9.1 Aktiaatit piginneqatigiiffiillu pillugit inatsisip Kalaallit Nunaannut atuuttussanngortinneqarnera pillugu peqqussummi tamanna pillugu maleruagassat naapertorlugit ingerlatseqatigiiffik siulersuisunit, pingasuniit arfinilinnut ataatsimeersuarnermi qinigaasunik, aammalu sulisunit qinigaasimasinnaasunik ilaasortaqaartunit aqunneqarpoq. Ataatsimeersuarnermi siulersuisuni ilaasortassatut qinigaasut ataatsimeersuarnermi nalinginnaasumi tullermi tunuartussaapput, kisiannili qinigaaqqittoqarsinnaalluni.
- 9.2 Siulersuisut siulittaasuat ataatsimeersuarnermi toqqaannartumik qinigaassaaq. Ingerlatseqatigiiffimmi pisortaaneq siulittasutut qinigaasinnaangilaq. Siulersuisut siulittaasuat ingerlatseqatigiiffimmi sulianik, siulittaasutut sulianut ilaanngitsunik ingerlatsisinnaangilaq, tamatumunnga siulersuisunit qinnuigineqanngikkuni aammalu tamanna immikkut ittumik pisariaqartinneqanngippat.
- 9.3 Siulittaasoq siulersuisunilu ilaasortat nalinginnaasut ukiumoortumik siulersuisunut ilaasortaanerminnut akissarsiaqartinneqassapput, aktianik piginneqatigiiffinni tamakkiisumik ilaannaasumilluunniit Namminersorlutik Oqartussanit pigineqartuni siulittaasumut siulersuisunilu

ilaasortanut nalinginnaasunut akissarsiarititassat annertussusiinut Namminersorlutik Oqartussat sukulluunniit aalajangersagaat naapertorlugit annertussuseqartussanik.

- 9.4 Siulersuisut aalajangiisinnaatitaassapput, ilaasortat tamarmiusut affaat najuuppata.
- 9.5 Suliassat siulersuisunit suliarineqartut nalinginnaasumik amerlassuteqartoqarneratigut aalajangiiffigineqartassapput.
- 9.6 Siulersuisut suliaasissatut aalajangersakkat naapertorlugit suliassaminnik isumaginninnissamut aalajangersakkanik sukumiinerusunik aalajangiissapput.
- 9.7 Siulersuisut ataatsimiinnerinit imaqarniliat allattaavinnut allattorneqartassapput, taakkulu siulersuisuni ilaasortanit tamarmiusunit atsiorneqartassapput.

10 Qullersaqarfik

- 10.1 Siulersuisut qullersaqarfimmi pisortanik ataatsimiit pingasunut amerlassusilinnik, ulluinnarni ingerlatseqatigiiffimmi ingerlatsisussanik atorfinitsitsisassapput, taakkunanngalu ataaseq pisortaanertut atorfinitsinneqassaaq.

11 Atsiortarnermut malittarisassat piginnaatitsissuteqartarnerlu

- 11.1 Ingerlatseqatigiiffimmi siulersuisuni ilaasortat pingasut ataatsimoorlutik, pisortaq siulersuisunut ilaasortaq ataaseq peqatigalugu imaluunniit siulersuisut tamarmiusut atsiortassapput.

12 Kukkuersiuiineq

- 12.1 Ingerlatseqatigiiffiup ukiumoortumik nalunaarutaa kukkuersiuisumit atatsimit marlunnilluunniit, naalagaaffimmit akuerisamit, ukiut ataasiakkaarlugit atuuttussatut ataatsimeersuarnermi toqqarneqartumit kukkuersiorneqartassaaq. Qinigaaqqittoqarsinnaavoq.

13 Ukioq naatsorsuusiorfiusoq

- 13.1 Ingerlatseqatigiiffiup ukioq naatsorsuusiorfia tassaavoq, qaammatisiutit malillugit ukioq ilivitsaq.

Tassalu ingerlatseqatigiiffiup 1. juni 2005-imi immikkut ittumik ataatsimeersuartitsinerani taamatut aalajangiisoqarpoq, taannalu ingelatseqatigiiffiup 26. april 2010-imi nalinginnaasumik ataatsimeersuartitsinerani aamma ingerlatseqateqatigiiffiup 8. december 2010-imi immikut ittumik ataatsimeersuartitsinerani, ingerlatseqatigiiffiullu 20. maj 2020-imi nalinginnaasumik ataatsimeersuartitsinerani allannguuteqartinneqarpoq.

Aqutsisutut:

Eqqartuussissuserisunut fuldmægtigi Thor Suhr